



清代起居注冊

國立故宮博物院珍藏



咸豐朝 第二冊

國立故宮博物院珍藏



清代起居注冊

同治朝

第二冊

同治元年三月上……六〇一
同治元年三月下……七一七
同治元年四月上……八五七
同治元年四月下……九八三

清代起居注冊——咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

72.12.0650

清代起居注冊 咸豐朝第二冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一一三二七

郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

8900712

PDG

同治元年歲次壬戌三月初一日癸未

上詣綏履殿

母后皇太后前請安平安室

聖母皇太后前請安內閣奉

諭旨慎毓林奏因病懇請就近在陝調治一摺前
任陝甘學政翰林院編修慎毓林著即開缺調
理又奉

諭旨吏部奏前任雲貴總督劉源灝滯陳衰病情
形呈請代奏懇恩休致等語劉源灝著准其休
致又奉

諭旨都察院奏山西介休縣職員龐鶴年呈遞奏
摺二件求為轉奏所呈摺內雖無違悖字句究
屬不安本分龐鶴年著即飭令回籍免其押解
仍著該地方官嚴加管束毋許出外滋事又奉

諭旨御史廣誠陳廷經奏普濟堂功德林粥廠懇
恩展限并請賞加米石各摺片現在京師米價
昂貴且距麥收尚遠貧民生計維艱所有普濟
堂功德林二處粥廠著加恩展限兩箇月并再
賞加小米二百石以示體恤是日吏部將湖南
試用縣丞保奏以知縣用之羅慶薌帶領引

見奉

諭旨羅慶鄧著發原省以知縣用

是日

起居注官桂豐李鴻藻

初二日甲申

上詣綏履殿

母后皇太后前請安平安室

聖母皇太后前請安辰刻

上詣觀德殿

几筵前行朝餚禮奠酒

駕進宮居養心殿內閣奉

諭旨陝西提督著孔廣順補授即著迅赴新任毋
庸來京請訓又奉

諭旨甘肅提督著馬得昭署理即著迅赴署任毋
庸來京請訓又奉

序

諭旨沈兆霖奏提督病難速痊懇請開缺一摺陝
西提督經文岱著准其開缺回旗調理又奉

諭旨常清等奏遵查烏什私徵鹽課等語烏什地
方仿照阿克蘇徵收安集延回子鹽課雖經葉
爾羌參贊大臣英蘊咨會即行停止而所收回
子錢文並未發還殊屬非是著文興等即將所
收錢文按名發還其因何徵收及停止後何以

未經發還之處並著文興文藝明白迴奏又奉
諭旨賈臻奏請將守城出力各員獎勵等語潁州
逆匪分股撲犯太和經署安徽按察使黃元吉
等先後馳抵該縣並過河迎擊擒斬多名另股
亳州擒眾疊撲城關復經兵練擊退先後共斃
賊匪百餘名奪獲旗幟駝馬無算城圍立解辦
理尚為出力署按察使鹽運使銜候補道龔元

吉著賞加布政使銜廬州府知府馮志沂著賞
戴花翎其餘出力員弁紳練并俟潁州解圍後
准其查明覈實保奏毋許冒濫

是日

起居注官桂清楊秉璋

初三日乙酉

上詣綏履殿

母后皇太后前請安平安室

聖母皇太后前請安卯刻

上詣田村

孝德顯皇后梓宮前奠酒行禮畢

駕進宮內閣奉

諭旨本日朕奉

母后皇太后

聖母皇太后恭詣田村

皇妣孝德顯皇后几筵前奠酒禮成瞻慕

遺徽莫名愴惻因念后族承恩世爵於乾隆年間恭

奉

諭旨俱改為三等承恩公

皇妣孝德顯皇后母家蒙於道光三十年奉

旨照例追封承襲公爵唯朕前因

母后皇太后

聖母皇太后親裁大政

撫育藐躬宵旰

恩勤靡可殫述於推封之典未敢拘泥成例茲復欽

奉

母后皇太后

聖母皇太后懿旨以

手

皇妣孝德顯皇后為

皇考文宗顯皇帝元后逮事

皇曾祖妣孝和睿皇后暨

皇祖宣宗成皇帝

皇祖妣孝靜成皇后均克親承色笑仰得

歡心允宜逾格推恩用示子臣尊崇至意朕仰承

慈訓倍切永思

皇妣孝德顯皇后之第三等承恩公德懋著晉封為
一等承恩公特彰優眷以篤尊親又奉

諭旨本日請輜之校尉著每名賞給一兩重銀鍔
一箇由廣儲司給發又奉

諭旨前任直隸總督恆福由部曹洊擢封圻前因
患病準予開缺俾得安心調理方期迅速就痊藉
資倚畀茲聞溘逝悼惜殊深恆福著照總督例

賜卹任內一切處分悉予開復應得卹典該衙
門察例具奏又奉

諭旨文煜奏請將京控案內先後致斃父子二命
要犯解省審辦一摺直隸民人李邦俊等挾嫌
謀殺民人王守經旋朦充廣甯縣捕役誣王守
經之子王峯王來為盜唆使外委陳泰等往拏
擅用火槍轟斃王峯割取頭顱回縣領賞實屬